

1142/2024 EBAZPENA, 2024ko maiatzaren 27koa, Nafarroako Unibertsitate Publikoko errektoreak emana. Haren bidez, deialdi bat eta haren gastua onesten dira 2024-2025 ikasturtean Nafarroako Unibertsitate Publikoko doktoratu aurreko kontratueterako 4 laguntza emateko, Estatuko I+G Planeko Ramón y Cajal Programaren gaikako ildoei atxikiak.

Nafarroako Unibertsitate Publikoko Ikerketa Batzordeak, 2024ko martxoaren 22an egindako bileran hartutako erabaki baten bidez, deialdi bat onetsi zuen 2024-2025 ikasturtean Nafarroako Unibertsitate Publikoko doktoratu aurreko kontratueterako 4 laguntza emateko, Estatuko I+G Planeko Ramón y Cajal Programaren gaikako ildoei atxikiak. Laguntza horietako bi Ramón y Cajal Programaren 2022ko deialdiko ikertzaileentzat dira. Beste bi laguntzak Ramón y Cajal Programaren 2021eko deialdiko ikertzaileentzat dira, aurreko deialdian ez baitzuten aldi baterako langilerik kontratatu, eta, beraz, diru-kopuru gehigarria baitute kontrataziorako.

Ikusirik 103/2019 Errege Dekretua, 2019ko martxoaren 1ekoa, Prestakuntzan dauden Doktoratu Aurreko Ikertzaileen Estatutua onesten duena.

Ikusirik Unibertsitateko Zerbitzu Juridikoak egin duen txostena.

Ikusirik Kontabilitate Atalak egin duen kreditu erreserbaren ziurtagiria.

Ikusirik Ikerketako errektoreordeak egindako doktoratu aurreko kontratuen deialdirako proposamena.

Kontuak ikuskaturik eta aldeko fiskalizazioa eginik.

Nafarroako Unibertsitate Publikoaren Estatutuen 40. artikuluan esleituak ditudan eskudantziez baliatuz.

EBAZTEN DUT:

Lehenbizikoa.- Deialdi bat onestea 2024-2025 ikasturtean Nafarroako Unibertsitate Publikoko doktoratu aurreko kontratueterako 4 laguntza emateko, Estatuko I+G Planeko Ramón y Cajal Programaren gaikako ildoei atxikiak. Deialdiaren oinarriak ebazpen honen eranskinean ageri dira. Kontratu bakoitzak lansari hauek izanen ditu:

- Kontratuaren lehenbiziko eta bigarren urteetan: 1.273,14 € gordinoko 14 lansari
- Kontratuaren hirugarren urtean: 1.364,08 € gordinoko 14 lansari
- Kontratuaren laugarren urtean: 1.705,10 € gordinoko 14 lansari

Horrez gain, diru-kopuru gehigarri bat dago tutoretza akademikoaren matrikularen kostua ordaintzeko –gehienez ere lau matrikula oso–: urtean 323,35 €.

Bigarrena.- Deialdiak osotara 455.479,12 €-ko gastua sortuko du, betiere horretarako diru-hornidura nahikoa baldin badago aurrekontueterako partida hauetan:

2024

303123091A/0330/13110 Prestakuntzan dauden ikertzaileak

4.545,10 €

1. orrialdea **15(e)**tik

303123091A/0330/16000 Gizarte Segurantz	1.749,16 €
303115092A/0330/13110 Prestakuntzan dauden ikertzaileak	4.545,10 €
303115092A/0330/16000 Gizarte Segurantz	1.749,16 €
3030009694/0761/13110 Prestakuntzan dauden ikertzaileak	4.545,10 €
3030009694/0761/16000 Gizarte Segurantz	1.749,16 €
3030009695/0761/13110 Prestakuntzan dauden ikertzaileak	4.545,10 €
3030009695/0761/16000 Gizarte Segurantz	1.749,16 €
303000/0320/48123 Matrikularako laguntzak	1.293,40 €

2025

303123091A/0330/13110 Prestakuntzan dauden ikertzaileak	13.635,30 €
303123091A/0330/16000 Gizarte Segurantz	5.247,49 €
303115092A/0330/13110 Prestakuntzan dauden ikertzaileak	13.635,30 €
303115092A/0330/16000 Gizarte Segurantz	5.247,49 €
3030009694/0761/13110 Prestakuntzan dauden ikertzaileak	13.635,30 €
3030009694/0761/16000 Gizarte Segurantz	5.247,49 €
3030009695/0761/13110 Prestakuntzan dauden ikertzaileak	13.635,30 €
3030009695/0761/16000 Gizarte Segurantz	5.247,49 €
303000/0320/13110 Prestakuntzan dauden ikertzaileak	18.180,40 €
303000/0320/16000 Gizarte Segurantz	6.996,60 €
303000/0320/48123 Matrikularako laguntzak	1.293,40 €

2026

303000/0320/13110 Prestakuntzan dauden ikertzaileak	74.020,24 €
303000/0320/16000 Gizarte Segurantz	28.103,32 €
303000/0320/48123 Matrikularako laguntzak	1.293,40 €

2027

303000/0320/13110 Prestakuntzan dauden ikertzaileak	82.785,92 €
303000/0320/16000 Gizarte Segurantz	29.419,52 €
303000/0320/48123 Matrikularako laguntzak	1.293,40 €

2028

303000/0320/13110 Prestakuntzan dauden ikertzaileak	85.854,54 €
303000/0320/16000 Gizarte Segurantz	24.236,80 €

Hirugarrena.- Aurreikuspenen arabera, 2024ko urriaren 1ean hasiko dira kontratuak.

Laugarrena.- Aukera egonen da laguntzen zenbatekoa eta kopurua handiagotzeko, deialdia finantzatzeko aurrekontu handiagoa baldin badago.

Bosgarrena.- Ebazpen hau aditzera ematea Ikerketako errektoreordeari, Aurrekontuen eta Plangintza Ekonomikoaren Atalari, laguntzen zuzendariei, Giza Baliabideen Zerbitzuari, Irakaskuntza Zerbitzuari, Gizarte Kontseiluari eta Barne Kontrolerako Zerbitzuari.

Seigarrena.- Ebazpen hau Nafarroako Aldizkari Ofizialean eta Nafarroako Unibertsitate Publikoaren egoitza elektronikoko iragarki ohol elektronikoan argitara dadila agintzea. Halaber, Unibertsitateko baliabide elektronikoen bidez ahalik eta hedapen handiena izan dezan arduratuko da Ikerketa Zerbitzua.

Zazpigarrena.- Ebazpen honek administrazio bidea agortzen du, eta, haren aurka eta bere oinarrien aurka, zilegi da berraztertzeko errekurtoa aurkeztea errektorearen aurrean, hilabeteko epean, edo, bestela, aukeran, administrazioarekiko auzi-errekurtoa Nafarroako Administrazioarekiko Auzien Epaitegian, bi hilabeteko epean, biak ere Nafarroako Aldizkari Ofizialean argitaratu eta biharamunetik kontatzen hasita.

Iruñean, 2024ko maiatzaren 27an

Ramón Gonzalo García
ERREKTOREA

Deialdia, Nafarroako Unibertsitate Publikoko doktoratu aurreko kontratuatarako 4 laguntza ematekoa, Estatuko I+G Planeko Ramón y Cajal Programaren gaikako ildoak atxikiak

1142/2024 Ebazpenaren eranskina

Ramón y Cajal kontratuak I+G+B Talentua eta Enplegarritasuna Sustatzeko Estatuko Programaren barruan sartzen dira. Programa horren helburua da I+G zentroetan ibilbide nabarmena duten ikerlariak lanean hastea sustatzea. Horretarako, batetik, bost urteko iraupena duten laguntzak emanen dira lan-kontrataziorako, eta, bestetik, egiten den ikerketa-jarduera gauzatzeko finantzaketa gehigarria emanen da.

Ramón y Cajal Programaren 2022ko deialdiaren barruan, Nafarroako Unibertsitate Publikoak 2 ikertzaile sartu zituen ikerketa-lerroak indartzeko edo ikerketa-lerro berriak abian jartzeko. Ramón y Cajal Programako laguntzek diru-kopuru gehigarria ematen diote kontratatutako ikertzaile bakoitzari ikerketaren garapenarekin lotutako gastuetarako, eta horren barruan sartzen da aldi baterako langileak kontratatzea. Gainera, Ramón y Cajal Programaren 2021eko deialdiaren barrenean, bi ikertzailek ez zuten aldi baterako langilerik kontratatu. Hori dela eta, kontrataziorako diru-kopuru gehigarria dute oraindik.

Nafarroako Unibertsitate Publikoan ikerketa bultzatu eta sustatzeko politikaren barruan, Ikerketa Batzordeak ikertzaile gazteen prestakuntza beharrezkotzat jo du beti lehentasunezko jarduera gisa. Zalantzarik gabe, orain arte erabilitako tresna eraginkorrena 1999az geroztik urtero egiten den deialdia da, doktoratu aurreko ikertzaileak prestatzeko laguntzak ematen dituen. Prestakuntza-politika horrekin jarraituz, beharrezkotzat jotzen da ibilbide nabarmena duten ikertzaileek, Ramón y Cajal Programan hautatuak izan direnek, doktoratu aurreko ikertzaileak prestatu ahal izatea garatzen ari diren ikerketa-lerroen barruan, doktoratu aurreko prestakuntza-kontratuaren kostua kofinantzatuz Unibertsitatearen eta Ramón y Cajal laguntzen diru-kopuru gehigarriaren artean.

Hori guztia kontuan hartuz, doktoratu aurreko ikertzaileak prestatzeko laguntzen deialdi hau onestea proposatu du Ikerketa Batzordeak.

1.- Deialdiaren xedea

Nafarroako Unibertsitate Publikoko NUP-RYC doktoratu aurreko ikertzaileak prestatzeko eskaera berriko 4 laguntzaren deialdia, 2024-2025 ikasturterako, deialdian dauden xedapenek arautuko dute. Laguntzak emateko, behar adinako aurrekontua egon behar da.

Deialdian laguntza hauek daude:

- 1 laguntza Nekazaritzaren eta Nekazaritzako Elikagaien Zientzien arloan, ekologia mikrobianoaren eremuko. Laguntzaren zuzendaria: Ana María Giraldo Silva.
- 1 laguntza Historia eta Erakunde Ekonomikoen arloan, fiskalitatearen, desparekotasunaren eta politika sozialen eremuko (ikuspegi historikoa). Sara Jane Torregrosa Hetland laguntzaren zuzendaria.

- 1 laguntza Nekazaritzako eta Nekazaritzako Elikagaien Zientzien arloan, landareen onddo fitopatogenoekin eta gaixotasunekin lotutako biologia molekularren eremukoa. Laguntzaren zuzendaria: Miriam Osés Ruiz.
- 1 laguntza Nekazaritza Zientzien eta Elikagaien Zientzien arloan, landare fisiologiaren eta landatutako landare eta landare ereduak nitrogeno iturrien bidezko den erregulazio metabolikoaren eremukoa. Laguntzaren zuzendaria: Idoia Ariz Arnedo.

2.- Baldintzak

2.1.- Izangaiek bete beharrekoak

Eskatzaileek doktoratu aurreko laguntzaren gaiaren jakintza-arloari lotutako Nafarroako Unibertsitate Publikoko doktoretza-programa batean onartuak egon behar dute laguntza eskatzeko epean.

NUPeko doktoretza-programa batean onartuak ez badaude, NUPeko doktoretza-programa baterako onarpena eskatua izan behar dute eskaerak aurkezteko epearen barnean, eta, gainera, baldintza hauetako bat bete beharko dute:

- a) Nafarroako Unibertsitate Publikoko doktoretza-programa batean sartzeko gaitzen duten aurretiazko ikasketak izatea.
- b) 2023-2024 ikasturtean doktoretzarako sarbidea emanen duen master batean matrikulatua egotea. Izangaiak masterra 2023-2024 ikasturtean amaitzeko beharrezkoak diren kreditu guztietan matrikulatua egon behar du, baita Masterraren Amaierako Lanaren kredituetan ere. Kasu horretan, 2024ko urriaren 9a baino lehen amaitu beharko ditu masterreko ikasketak.

Laguntza esleitzeko hautatuak izanez gero, eskatzaileek 2024-2025 ikasturterako Nafarroako Unibertsitate Publikoaren doktoretza-programa batean matrikula egin dutela egiaztatu beharko dute laguntzen behin betiko esleipena argitaratzen denean ezartzen den epean.

Deialdi honetan ezin izanen dute parte hartu eskaera egiteko epea ixten den egunean doktoretza-tesi bat egiteko bestelako laguntza homologagarriren bat jaso dutenek, baldin eta 12 hilabete edo gehiagoko laguntzak izan badira.

12 hilabete baino gutxiagoko laguntza homologagarri baten onuraduna izan bada, murriztu egingen da deialdi honetan jasotako doktoratu aurreko kontratuaren eta bere luzapenen gehieneko iraupena kontratatua egon den denboran (hilabeteak eta egunak), Zientziaren Legearen 21. artikuluan ezarritakoarekin bat etorriz.

Murrizketa hori kalkulatzeko, kontuan hartuko da eskatzailea zenbat denbora egon den kontratatua deialdi honetako doktoratu aurreko kontratua formalizatzen den egunera arte.

3.- Laguntzen araubide juridikoa

3.1.- Laguntzen onuradunen eskubideak eta betebeharrak deialdi honetan ezartzen direnak izanen dira, eta Prestakuntzan dauden Ikertzaileen Estatutuetan ezartzen den beste edozein (2019ko martxoaren 1eko 103/2019 Errege Dekretuak onetsitako estatutuak).

3.2.- Zientziari, Teknologiari eta Berrikuntzari buruzko 2011ko ekainaren 1eko 14/2011 Legearen 21. artikuluan ezarritakoak arautuko ditu doktoratu aurreko kontratuak.

3.3.- Kontratututako pertsona laguntza-zuzendari bakoitzaren ikerketa-talde eta -institutu berari esleitu zaio.

3.4.- Deialdi honetan jasotzen diren laguntzek ez dute inolaz ere konpromisorik ezartzen onuradunak gerora Nafarroako Unibertsitate Publikoko plantillan sartzeko.

3.5.- Deialdi honen babesean laguntza bat jasotzea bateraezina da funts publiko edo pribatuekin finantzaturiko beste laguntza edo beka batzuekin, bai eta laguntzaren onuradunari kontratu edo estatutu lotura ekartzen dioten soldata edo lansariekin ere. Nolanahi ere, badira salbuespen batzuk, betiere Ikerketako errektoreordeak horretarako baimena ematen badu:

- Prestakuntzan dauden ikertzaileek egiten duten ikerketa-jarduerarekin zuzenki loturik dauden ikerketa- edo irakaskuntza-lanetatik datozen ordainsariak, bai eta beste hauetatik datozen osagarriekin ere: I+Gko proiektuetako parte-hartze baimenduak eta Unibertsitate Sistemari buruzko 2023ko martxoaren 22ko 2/2023 Lege Organikoa aplikatuz egindako kontratuak.
- Ikertzaileen mugikortasuna eta prestakuntza sustatzeko laguntza osagarriak.
- Bestelako jarduerengatik noizean behin jasotako ordainsariak, betiere Ikerketako errektoreordearen ustez emandako laguntzaren xedea garatzeari traba egiten ez badiote.

4.- Eskaeren aurkezpena

Ezinbestean, eskabideak bitarteko elektronikoen bidez aurkeztu beharko dira, Unibertsitatearen Erregistro Elektronikoa, Prozeduren Katalogoan horretarako ezarritako prozeduraren bidez. Bertara Unibertsitatearen egoitza elektronikoen bidez sartzen da, eta esteka honetan dago eskuragarri:

<https://sedeelectronica.unavarra.es/sede/zerbitzu-katalogoa/guztiak/ramon-y-cajal-doktoretza-aurreko-kontratuak?languageId=100001>

Eskaerak aurkezteko epea 10 egun baliodunekoa izanen da, deialdia Nafarroako Aldizkari Ofizialean argitara eman eta biharamunetik kontatzen hasita. Eskaerak aurkezteko epea ezin izanen da luzatu.

Eskatzen diren betebeharrak eskaerak aurkezteko epea bukatzen denean bete beharko dira.

5.- Eskaera egiteko inprimakiak eta dokumentazioa

Eskatzaileek honako agiri hauek aurkeztu behar dituzte:

- a) Inprimaki normalizatua, Nafarroako Unibertsitate Publikoaren egoitza elektronikoen prozeduren katalogotik jaisten ahaliko dena.

Lortu nahi den laguntza zein den jasoko da inprimakian (sinatua egon behar du).

- b) Eskatzailearen curriculum vitae-a.

- c) Nortasun Agiri Nazionalaren, Atzeritarraren Identifikazio Zenbakiaren edo pasaportearen fotokopia.
- d) Ikasketen ziurtagiriaren fotokopia, doktoretzarako sarbidea ematen dieten ikasketena eta, masterraren kasuan, alde aurreko ikasketena. Horietan, lortutako kalifikazioak eta noiz lortu diren zehaztuko dira. Nafarroako Unibertsitate Publikoko tituludunek ez dute dokumentu hori aurkeztu beharko.
- e) Doktoretzan sartzeko ikasketetako eta, masterra bada, aurreko ikasketetako promozioaren batez besteko notaren ziurtagiria. Nafarroako Unibertsitate Publikoko tituludunek ez dute dokumentu hori aurkeztu beharko.
- f) Doktoretza-ikasketak egiteko sarbidea ematen duen tituluaren fotokopia. Nafarroako Unibertsitate Publikoko tituludunek ez dute dokumentu hori aurkeztu beharko.

Deialdi honen oinarrietan interesdunei eskatutako dokumentazioa Nafarroako Unibertsitate Publikoaren eskuetan baldin badago jada, ez dira dokumentazio hori aurkeztera behartuak egonen, baina zirkunstantzia hori jakinarazi beharko dute idazki baten bidez. Idazki horretan identifikatu behar dute zein dokumentu den eta zein egunetan eta zein administrazio unitatetan aurkeztu zen.

Masterra 2023-2024 ikasturtean amaitu duten ikasleen kasuan aurreko ikasturteko promozioaren batezbestekoa onartuko da 2023-2024 ikasturtekoa egiaztatzerik ez badute.

Atzerriko ikastegiekin ematen dituzten kalifikazioen ziurtagirietan, dagokion ebaluazio sistemaren barruan kalifikaziorik handiena eta txikiena zein izan diren agertuko da, baita gainditzeko gutxieneko kalifikazioa zein den ere.

Eskatzaileek ikasketak atzerrian egin badituzte, Zientziaren, Berrikuntzaren eta Unibertsitateen Ministerioak egindako noten baliokidetasuna aurkeztu beharko dute gainera. Baliokidetasun hori hemen eskatzen ahal da:

<https://www.universidades.gob.es/equivalencia-de-notas-medias-de-estudios-universitarios-realizados-en-centros-extranjeros/>

Ziurtagiri horiek ez badira aipatutako edukiarekin eta adierazitako epean aurkezten, kalifikazioak ez dira kontuan hartuko. 0 punturekin baloratuko dira.

Agiri akademikoak gaztelania, euskara, ingelesa edo frantsesa ez den hizkuntza batean idatzita badaude, hizkuntza horietako batera egindako zinpeko itzulpena erantsi beharko da.

6.- Izangaien hautaketa

Hautapen batzorde hauek hautatuko dituzte izangaiak:

6.1.- Nekazaritzaren eta Nekazaritzako Elikagaien Zientzien arloari atxikitako laguntza, ekologia mikrobianoaren eremukoak:

- Ana María Giraldo Silva
- Juan Antonio Blanco Vaca
- Juan Bosco Imbert Rodríguez

6.2.- Historiaren eta Erakunde Ekonomikoen arloari atxikitako laguntza, fiskalitatearen, desparekotasunaren eta politika sozialen eremuko (ikuspegi historikoa):

- Sara Jane Torregrosa Hetland
- Joseba de la Torre Campo
- Cristián Arturo Ducoing Ruiz

6.3.- Nekazaritzako eta Nekazaritzako Elikagaien Zientzien arloari atxikitako laguntza, landareen onddo fitopatogenoekin eta gaixotasunekin lotutako biologia molekularren eremuko:

- Miriam Osés Ruiz
- Antonio Gerardo Pisabarro de Lucas
- Iñigo Ruiz de Escudero Fuentemilla

6.4.- Nekazaritza Zientzien eta Elikagaien Zientzien arloari atxikitako laguntza, landare fisiologiaren eta landatutako landare eta landare ereduak nitrogeno iturrien bidezko erregulazio metabolikoaren eremuko.

- Idoia Ariz Arnedo
- César Arrese-Igor Sánchez
- Berta Lasa Larrea

7.- Hautaketa egiteko irizpideak

Izangaiak atal honetan ezarritakoari jarraikiz hautatuko ditu laguntza bakoitzeko Hautapen Batzordeak:

- a) Izangaiak doktoretza-programan sartzeko aurkeztu duen titulazioaren espedientearen batezbestekoa: 7 puntu gehienez ere.

Batez besteko nota ponderatua honela kalkulatu da:

$$Nota\ ponderatua = \frac{NA + 5 + DN}{2}$$

Non IN ikaslearen batez besteko nota den eta DN, berriz, INaren desbideratze normalizatua promozioaren batez besteko notarekiko (NT). Izangai bakoitzaren DNaren balioa lortzeko, bere IN-NT desbideratzea zati eskatutako laguntzan onartutako izangaien IN-NT desbideratzerik altuena (Dmax) bider 5 egin behar da, hots: $DN=5(IN-NT)/Dmax$.

Nafarroako Unibertsitate Publikoko ikasleek ez dute aurkeztu beharko informazio hau, Laguntza Akademikorako eta Ikasleen Gaietarako Zerbitzuak emanen baitu. Nafarroako Unibertsitate Publikoko ikasle guztiei aplikatuko zaie ezarri den ponderazio formula.

Beste unibertsitate batzuetatik datozen ikasleen kasuan, haien ardura izanen da behar den dokumentazioa aurkeztea aipatutako ponderazio formula aplikatzeko. Promozioaren batez besteko notaren (NT) egiaztagiririk aurkezten ez duten

eskatzaileei, promozioaren batez besteko nota gisa bi hauen artean handiena den balioa aplikatuko zaie: deialdi honetako beste izangaiei eskatutako laguntzan aplikatutako promozioaren batez besteko nota altuena edo eskatzaileak lortutako batez besteko nota indibiduala.

Masterreko ikasketen kasuan, doktoretza-programan sartzeko erabiltzen den masterraren eta master horren aurreko unibertsitateko ikasketen batezbesteko ponderatua kalkulatu da, titulazio bakoitzari dagozkion kredituen arabera.

Aurreko batezbestekoa kalkulatu eta gero, espediente guztiak normalizatuko dira laguntza bakoitzean. 7 puntu emanen zaizkio espediente onenari, eta gainerakoak normalizazio faktore berarekin biderkatuko dira.

Laguntza eskatzeko inprimakian doktoretzako ikasketetara zein titulazioaren bidez sartzen den adieraziko da, eta titulazio horren arabera kalkulatu da espediente akademikoaren batezbestekoa. Master baten bidez sartzen bada, masterra egin baino lehenagoko unibertsitate titulazioa ere hartuko da kontuan.

Espediente akademikoaren batez besteko nota 0tik 10era bitarteko eskalan kalkulatu da, kredituen sistema europarra eta lurralde nazional osoan ofizialak eta balioudunak diren unibertsitate titulazioetako kalifikazio sistema arautzen duen 2003ko irailaren 5eko 1125/2003 Errege Dekretuaren 5. artikulua ezartzen duenaren arabera.

$$\frac{\sum (\text{irakasgaiaren kreditu kopurua} \times \text{nota})}{\text{titulazioaren kreditu kopurua guztira}}$$

1044/2003 Errege Dekretua ere aplikatuko da, 2003ko abuztuaren 1ekoa, Unibertsitateek tituluaren Europako gehigarria emateko prozedura ezartzen duena.

Baliokideturiko irakasgai edo kredituei “Gaingitua” kalifikazioa emanen zaie, egokitutako irakasgai edo kredituei jatorrizko kalifikazioa emanen zaie, eta, kalifikaziorik gabeko kredituak aitortuta edukiz gero, hori ez da kontuan hartuko batez besteko nota kalkulatzeko.

Espedientean kalifikazio kualitatiboa baizik jaso ez bada, baliokidetasun hau aplikatuko zaio:

Ohorezko matrikula	10
Bikain	9,25
Oso ongi	7,75
Gaingitua	5,75

Eskatzaileek espediente akademikoaren batez besteko nota adierazi behar dute, beren jatorrizko erakundeak informazio hori ez badu espedientean sartzen. Kalkuluan akats esanguratsuren bat detektatuz gero, hura egiaztatze edo argitzeko eskatuko zaie. Garaiz eta forman egiaztatzen ez bada, laguntza ukatzeko arrazoi nahikoa izan daiteke.

- b) Banakako elkarriketa ezagutzen eta gaitasunen egokitasunari buruz: 3 puntu gehienez ere.

Elkarrizketa Hautapen Batzordeak egingen du, gehienez ere ordubeteko iraupena izanen du eta bertan baloratuko dira izangaiek beren curriculum vitae-an alegatutako ezagutzak eta gaitasunak, eskatutako laguntzaren xede diren ikerketa-lerro eta -gaiekin lotutakoak:

- 1 laguntza Nekazaritzaren eta Nekazaritzako Elikagaien Zientzien arloan, ekologia mikrobianoaren eremuan.
- 1 laguntza Historia eta Erakunde Ekonomikoen arloan, fiskalitatearen, desparekotasunaren eta politika sozialen eremuan (ikuspegi historikoa).
- 1 laguntza Nekazaritzako eta Nekazaritzako Elikagaien Zientzien arloan, landareen onddo fitopatogenoekin eta gaixotasunekin lotutako biologia molekularren eremuan.
- 1 laguntza Nekazaritza Zientzien eta Elikagaien Zientzien arloan, landare fisiologiaren eta landatutako landare eta landare ereduak nitrogeno iturrien bidezko erregulazio metabolikoaren eremuan.

Hautagaia doktoretza-tesiaren xede den ikerketaren gairako egokia dela ziurtatzeko, derrigorrezkoa izanen da elkarrizketan gutxienez 1,5 puntu lortzea. Balorazio Batzordeak arrazoiak eman beharko ditu apartatu honetan lortutako puntuazioa justifikatzeko, eta, puntuazio hori lortu ezean, hautagaia hautaketa-prozesutik kanpo geldituko da.

8.- Eskaeren tramitazioa eta ebazpena

8.1.- Eskaerak aurkezteko epea amaituta, gehienez ere hilabeteko epean, tramitera onartutako eta eskatutako laguntzarako ezarritako eskakizunen bat ez egiaztatzeagatik edo eskatutako dokumentazioa ez aurkezteagatik baztertutako eskatzaileen behin-behineko zerrenda onetsiko da Ikerketako errektoreordearen ebazpenaren bidez. Ebazpen hori Nafarroako Unibertsitate Publikoaren egoitza elektronikoko iragarki ohol elektronikoa argitaratuko da. Ebazpen horretan 5 egun balioduneko epea emanen zaie eskatzaileei, ebazpena argitaratu eta hurrengo egunetik zenbatzen hasita, hautemandako akatsak zuzendu edo erreklamazioa aurkez dezaten. Ezarritako epean egin ezean, eskaera ez da tramitera onartuko.

8.2.- Hautapen Batzordeak aurkeztu diren erreklamazioak ebatziko dituzte, eta Ikerketako errektoreordeari bidaliko diote tramitera onartutako eta baztertutako eskaeren behin betiko proposamena.

Ikerketako errektoreordearen ebazpenaren bidez, onartutakoen eta baztertutakoen behin betiko zerrenda onetsiko da. Ebazpen hori Nafarroako Unibertsitate Publikoaren iragarki ohol elektronikoa argitaratuko da, eta, haren aurka, zilegi da berraztertze errekurtsoa aurkeztea errektoreari zuzendua, hilabeteko epean, edo, bestela, aukeran, administrazioarekiko auzi-errekurtsoa Nafarroako Administrazioarekiko Auzien Epaitegian, bi hilabeteko epean, Nafarroako Unibertsitate Publikoaren egoitza elektronikoko iragarki ohol elektronikoa argitaratu eta biharamunetik kontatzen hasita.

8.3.- Onartutakoen eta baztertutakoen behin betiko zerrenda onesten duen ebazpena argitaratu eta bi hilabeteko epean gehienez ere, puntuazioak eta laguntzen behin-behineko esleipen proposamena onetsiko dira Ikerketako errektoreordearen ebazpen baten bidez. Ebazpena Unibertsitatearen egoitza elektronikoko iragarki ohol elektronikoa argitaratuko da, eta gehienez ere 5 egun balioduneko epea izanen dute interesdunek erreklamazioak aurkezteko, ebazpena argitaratu eta biharamunetik kontatzen hasita.

8.4.- Hautapen Batzordeek erreklamazioak ebatziko dituzte, eta puntuazioak eta behin betiko esleipen proposamenak onetsiko, eta behar den proposamena bidaliko diote Ikerketako errektoreordeari.

Ikerketako errektoreordearen ebazpenaren bidez, deialdi honetako laguntzen behin betiko puntuazioak eta esleipenak onetsiko dira. Ebazpen hori Unibertsitatearen egoitza elektronikoko iragarki ohol elektronikoan argitaratuko da, eta, haren aurka, zilegi da berraztertzeko errekurtsioa aurkeztea errektoreari zuzendua, hilabeteko epean, edo, bestela, aukeran, administrazioarekiko auzi-errekurtsioa Nafarroako Administrazioarekiko Auzien Epaitegian, bi hilabeteko epean, argitaratu eta biharamunetik kontatzen hasita.

8.5.- Unibertsitateko iragarki ohol elektronikoan argitaratuko da:

<https://sedeelectronica.unavarra.es/sede/iragarki-ohol-elektronikoa?opcion=2&languageId=100001>

Nafarroako Unibertsitate Publikoaren iragarki ohol elektronikoan argitaratzea da Unibertsitateak onarturiko publizitate tresna bakarra. Hala ere, interesdunei posta elektronikoz jakinarazten ahalko zaie, modu osagarrian eta ez-ofizialean.

9.- Doktoratu aurreko kontratuaren helburua eta baldintzak

9.1.- Laguntzaren xedea doktoratu aurreko kontratu bat gauzatzea izanen da, doktoretza-tesi bat egiteko. Ezin izanen da kontratua sinatu tesia gordailutu edo defendatu duten eskatzaileekin, eta, horrenbestez, deialdi honetatik kanpo uztea edo, hala badagokio, laguntza ukatzea ekarriko du horrek.

9.2.- Kontratuaren helburua da Nafarroako Unibertsitate Publikoaren doktoretza-programa batean onartuak izateko aukera ematen dien titulua dutenek ikerketa-lanak egitea proiektu espezifiko eta berritzaile baten barnean. Kontratatuak prestakuntzan dauden doktoratu aurreko ikertzaileak izanen dira.

Kontratuaren xedea doktoretza ondoko orientabidea ematea izanen da hamabi hilabetez gehienez. Nolanahi ere, kontratuaren iraupena lau urtekoa izanen da gehienez.

Prestakuntzan dagoen doktoratu aurreko ikertzaileak, langilea denez, eta Nafarroako Unibertsitate Publikoak, lana ematen duena denez, gauzatuko dute kontratua. Kontratuari doktoretza-programan onartua dela adierazten duen agiria erantsiko zaio, programaren arduradunak emana, edo doktoretza edo graduondoko eskolak, hala badagokio. Kontratuek eta luzapenek osotara lau urte iraunen dute gehienez.

Kontratua lanaldi osokoa izanen da, eta, hasiera batean, lau urteko iraupena izanen du gehienez. Beharrezkoa izanen da urtero aldeko txostena egitea doktoretza-programako Batzorde Akademikoak, edo, bestela, doktoretza-eskolak, ikertzaileak programan irautean duen bitartean. Lau urteko iraupen hori laburragoa izanen da aurretik doktoratu aurreko laguntza paretsuko bat izan duten onuradunen kasuan, baldin eta laguntza hori kontratatuek egon diren bitartean jaso baldin badute. Doktoretza-tesi eta doktoretza-programako matrikula arduraldi osokoak izanen dira.

Doktoretza-titulua lortzeak amaiera emanen dio ikertzaileen prestakuntza-etapari, eta, une horretatik aurrera, doktoretza ondoko etapari heltzen ahalko zaio, zeinak, gehienez ere hamabi hilabetez, doktoretza-ondoko orientazioa ematea izanen baitu xede. Nolanahi

ere, kontratuaren iraupena ezin izanen da aurreko paragrafoan adierazitako gehienekoa baino luzeagoa izan.

9.3.- Laguntza emateko aldia bukatu egingen da honako kasu hauetan:

- Laguntza emateko gehieneko epea betetzen bada.
- Doktoretza-programan egoteko aldia bukatzen denean edo tesiaren defentsa egin baino lehen doktoregaia doktoretza-programan matrikulatua ez badago.
- Doktoregaiak doktoretza-programako Batzorde Akademikoak egindako aurkako txostena jasotzen badu.

9.4.- Doktoratu aurreko kontratuak lau urteko iraupena du gehienez ere, eta bitarte horretan laguntzen zenbatekoak ez du gaindituko 2019ko martxoaren 1eko 103/2019 Errege Dekretuaren 7. artikuluan ezarritakoa.

- Kontratuaren lehenbiziko eta bigarren urteetan: 1.273,14 € gordinoko 14 lansari
- Kontratuaren hirugarren urtean: 1.364,08 € gordinoko 14 lansari
- Kontratuaren laugarren urtean: 1.705,10 € gordinoko 14 lansari

Hileroko kopuru horretatik nahitaezko kotizazioari dagokion kuota kenduko da, eta Unibertsitateak bere gain hartuko ditu Gizarte Segurantzako enpresa-kuotak, lege indardunetan ezarritako moduan.

10.- Matrikularen gastuetarako laguntza

Laguntza hauen onuradunek laguntza gehigarri bat izanen dute doktoretza-ikasketen ondoriozko matrikula gastuak finantzatzeko: tutoretza akademikoko matrikula Nafarroako Unibertsitate Publikoan.

Laguntza hori 2024-2025 ikasturtetik aurrera aplikatuko da, eta doktoratu aurreko kontrataziorako laguntza indarrean den bitartean iraunen du (gehienez ere 4 matrikula).

11.- Onuradunen betebeharrak

11.1.- Onuradunak laguntza onartzeak berekin dakar deialdi honetan ezarritako arauak onartzea, bai eta Nafarroako Unibertsitate Publikoak laguntzaren jarraipen zientifikorako ezartzen dituenak ere.

11.2.- Onuradunek honako hauek bete beharko dituzte:

- a) Laguntzaren helburuko ikerketa-lana egiteko xedez, laguntza emateko ebazpenean edo kontratuan adierazten den egunean bertan sartzea Nafarroako Unibertsitate Publikoan, eta, orduan sartzen ez badira, laguntzari uko egiten diotela ulertuko da. Halaber, laguntzari uko egiten diotela ulertuko da Giza Baliabideen Zerbitzutik kontratua sinatzeko jakinarazpena jaso eta 5 eguneko epean sinatzen ez bada.

Ikerketako errektoreordeak, interesdunak eskatuta, laguntzaren zuzendariaren oniritziarekin, sarrera atzeratzeko baimena ematen ahal du, horretarako larritasun handiko arrazoiak daudenean. Bateriaezintasun egoerak ez dira ezinbesteko kausatzat jotzen lanean hasteko eguna atzeratzeko.

Ikertzailearen batek lan-baimena ematen duen bizileku-baimena eskuratu behar badu, 4 hilabeteraino luzatzen ahal da jardunean hasteko epea.

- b) Esleituriko ikerketa-taldean eta -institutuan beren lana aprobetxamenduz egitea.
- c) Laguntzarekin lotutako lana garatzean lortu dituzten informazio zientifikoak edo teknikoak ez zabaltzea, laguntzaren zuzendariaren baimenik ez badute.
- d) Egindako jarduerari buruz eskatzen zaizkion txostenak bidaltzea laguntzaren zuzendariari eta Nafarroako Unibertsitate Publikoko Ikerketako errektoreordeari.
- e) Doktoretza-programako Batzorde Akademikoaren urteroko aldeko txostena edukitzea. Ebaluazioa aldekoa ez bada, kontratua deuseztatu egingen da, 15 egun lehenago jakinarazita.
- f) Urtero, eskatzen zaion epean, lan bizitzaren ziurtagiri eguneratua aurkeztea.
- g) Laguntzak irauten duen aldian egiten diren argitalpen guztietan eta ikerketa-jardueretatik eratorritako beste emaitza guztietan aipatzea Nafarroako Unibertsitate Publikokoak direla eta Nafarroako Unibertsitate Publikoak eta Estatu Planeko Ramón y Cajal Programak finantzatu dituela.
- h) Ikerketa-emaitza guztiak sarbide irekian jartzea, NUPen Academia-e biltegi instituzionalean gordez argitaratutako artikulua guztien kopia bat edo argitaratzeko onartu den azkeneko bertsioaren kopia bat (postprint bertsioarena), artikulua argitaratzen denetik sei hilabetera beranduen ere. Ahal dela, halaber, ikerketan sortutako datuak ikerketako datuen biltegi batean gordeko dira.

Hona hemen gai horri buruzko xehetasun gehiago:

<https://www.unavarra.es/biblioteca/ikerketarako-laguntza/sarbide-irekia?languageId=100001>

- i) Laguntzaren aldia behin betiko bukatu ondoren, egindako lanaren azken oroitidazkia aurkeztea, laguntzaren zuzendariak ontzat emana eta lan bizitzaren ziurtagiriarekin batera. Doktoretza-tesiaren defentsa eta onarpena egiaztatzeak txostena aurkeztea ordezkatuko du.
- j) Doktoretza-tesia defendatzea eta gainditzea 4 urteko epean gehienez ere doktoratu aurreko kontratuaren hasiera egunetik kontatzen hasita.

Ikerketako errektoreordeak betebeharrak betetzeko epea luzatuko du, interesdunak aurretiaz eskaera arrazoitua aurkezten badu, laguntzaren zuzendariak ontzat emana eta NADOEren aldeko txostenarekin.

11.3.- Deialdi honetan aipatzen diren betebeharrak ez betetzeak, bestalde, emandako laguntza ukatzea eta baliogabetzea ekarriko du, eta bidegabeki jasotako diru-kopuruak itzuli behar izatea, hala badagokio, dirulaguntzak emateko, kudeatzeko eta kontrolatzeko araubide orokorra arautzen duen 2005eko azaroaren 9ko 11/2005 Foru Legean ezarritakoarekin bat etorritik.

11.4.- Erdietsitako laguntzari uko egiten diotenek laguntzaren zuzendariaren sinadura daukan idazkia bidaliko diote Ikerketako errektoreordeari, eta, bertan, horretarako

arrazoiak eman. Laguntzari uko egiteko eskaerak ondorio-eguna baino 7 egun lehenago aurkeztu behar dira beranduenez.

Deialdi honetako gainerako eskatzaileek beteko dituzte kontratua hasi eta hurrengo 3 hilabeteetan gertatzen diren bajak eta uko egiteak, laguntzak emateko behin betiko ebazpenean onetsitako balorazioan ezarritako ordenaren arabera betiere.

11.5.- Laguntzen onuradunek Nafarroako Unibertsitate Publikoari lagatzen dizkiote haien helburu den ikerketa-jardueraren ondorioz sortzen diren emaitzei legezkiekeen eskubideak. Unibertsitateak laguntzen onuradunei egile eskubideak aitortuko dizkie, lortzen lagundu duten emaitzen gainekoak, Unibertsitateko kontratupeko ikertzaileei edo ikertzaile funtzionarioei dagozkien baldintza berdinetan betiere.

12.- Onura sozialak

Sinatutako kontratuari dagozkion lan arloko eta arlo sozialeko onurak edukiko dituzte laguntzen onuradunek.

13.- Laguntzak etetea

Laguntza hauen onuradunek eskubidea edukiko dute Gizarte Segurantzaren erregimeneko prestazioak jasotzeko, hartan ezarritako moduan, Gizarte Segurantzari buruzko Legearen Testu Bateratua onesten duen 1994ko ekainaren 20ko 1/1994 Legegintzako Errege Dekretuan ezarritakoekin bat, haien sorburu diren gorabeherek irauten duten artean. Baimenei dagokienez, Langileen Estatutuak eta aplikatzekoak diren lege indardunek ezarritakoari jarraituko zaio.

Zientziari, Teknologiari eta Berrikuntzari buruzko 2011ko ekainaren 1eko 14/2011 Legearen 21.c) artikuluan ezarritakoarekin bat etorriz, honako egoeretan eten egingen da kontratuaren denboraren konputua: arrisku handiko haurdunaldia, amatasuna, adopzioa edo harrera, arriskua bularra ematean, aitatasuna eta aldi baterako ezgaitasuna bi hilabetez jarraian. Kasu horietan, kontratua luzatzeko eskatzen ahalko da, kontratuaren konputua eteteko arrazoiak iraun duen denboran. Luzapen hori egiteko beharrezkoa izanen da behar adinako aurrekontua egotea. Eskaera gehienez ere kontratua amaitu baino bi hilabete lehenago aurkeztu behar da Unibertsitateko erregistro elektronikoan –egoitza elektronikoak ematen du erregistrora sartzeko modua–.

14.- Irakaslanetako lankidetzak

14.1.- Laguntza hauen onuradunek baimena eskatzen ahal dute unibertsitateko sail batean irakasle lanean laguntzeko, prestakuntzarako xedez, betiere laguntzaren zuzendaria eta ukitutako saileko zuzendaria ados badaude. Urtean gehienez ere 60 ordu hartzen ahal ditu lankidetzak horrek, eta gehienez ere 180 ordu kontratuak gehienez irauten ahal duen lau urteetan.

14.2.- 2018ko maiatzaren 30eko Gobernu Kontseiluak onetsitako prozeduraren arabera eskatuko da baimena, eta behar den inprimaki normalizatua aurkeztuko da Laguntza Administratiborako Unitatean, aipatu prozeduran ezarritakoari jarraikiz.

15.- Datuen babesa

Parte-hartzaileek deialdi honetan ematen dituzten datu pertsonalak arau hauen arabera tratatuko dira: Datuak Babesteko 2016/679 EB Erregelamendu Orokorra eta Datu Pertsonalak Babesteari eta eskubide digitalak bermatzeari buruzko 3/2018 Lege Organikoa.

Tratamendu honen xedea ikerketaren kudeaketa administratiboa da, eta oinarri juridikoa, berriz, interes publikokoa izatea, Datuak Babesteko 2016/679 EB Erregelamendu Orokorren 6.1.e) artikuluen arabera. Ikertzaile gazteei prestakuntza emanen zaie prestakuntzaldian dauden ikertzaileentzako laguntzen deialdia eginez. Tratamenduaren arduraduna Nafarroako Unibertsitate Publikoa da (NUP), eta interesdunek eskubidea dute datuak eskuratzeko, zuzentzeko eta ezabatzeko, bai eta beste eskubide batzuk ere, delegado.protecciondatos@unavarra.es helbideaz baliatuz, Datu Pertsonalak Babesteari eta Eskubide Digitalak Bermatzeari buruzko 2018ko abenduaren 5eko 3/2018 Lege Organikoko 12. artikulutik 18. artikulura bitartean ezarritakoari jarraikiz.

NUPeK identifikazio- eta harreman-datuak, sinadura, merezimenduen zerrenda eta titulazioari, kalifikazio akademikoari, curriculumari eta ikerketa-jarduerari buruzko datuak tratatuko ditu. Era berean, zer laguntza esleitu diren eta horien onuradunak nor diren NUPen webgunean argitaratuko da, aurreikuspenen arabera. Azkenik, bankuko datuak ere tratatuko dira onuradunei ordainketak egiteko.

16.- Argitalpena

Deialdi hau Nafarroako Aldizkari Ofizialean argitaratuko da, baita Unibertsitatearen iragarki ohol elektronikoan ere.

17.- Baliabideak

Deialdi hau onesten duen ebazpenaren aurka eta deialdiko oinarrien aurka, zilegi da berraztertzeko errekurtsua jartzea errektoreari zuzendua hilabeteko epean, edo administrazioarekiko auzi errekurtsua Nafarroako administrazioarekiko Auzietako Epaitegian bi hilabeteko epean, biak ere Nafarroako Aldizkari Ofizialean argitaratu eta biharamunetik kontatzen hasita.